

Энг тоза ҳаво қаерда бўлади?

Image not found or type unknown



11:00 / 10.06.2022 4224

Асаларининг ўзи, яшайдиган уяси, босиб ўтадиган йўли, шира йиғадиган ўсимликлари ҳамда у етиштирадиган шифобахш асал ҳақида Қуръони Каримда оятлар бор.

نُوشِرْغِي اُمَمٌ وَرَحَّشَلَانِمَّوَاتُؤِيْبَلْاَبَجَلَانِمَّيَذِخَّتْاِنَّالْحَنَّالْاِلِكُبَّرِىَحْوَأُو

Роббинг асаларига ваҳий юборди: «Тоғлардан, дарахтлардан ва кўтарилган ишкомлардан уй тутгин. (Наҳл сураси, 68-оят).

Аллоҳ таолонинг ҳайвонотларга, жумладан, асаларига ваҳий қилиши унга илҳом бериши ҳисобланади. Аллоҳ таоло асаларини яратганда, унга бир ҳис-туйғу ҳамда илҳомни қўшиб бергани учун, у кўпгина ақлли инсонлар қила олмайдиган аниқлик билан ўзига топширилган ишни бажаради.

Жумладан, тоғлардан, дарахтлардан ва одамлар кўтариб қўйган ишком каби нарсалардан ўзига уй тутаети.

بَارِشْ اِهْوَطُوبْ نَمْ جُحَّيَّ اَلَّذِي كَبَّرَ لُبُّسْ يَكُلُّسْ اَفِ تَارْمَثْ لَالُكْ نَمْ يَلُكْ مَثْ
نَوْرُكَ فَتَيِّمُوقْلَ اَلَّذِي فَنَسَانْ لَلْ اَفْشْ هِيْفْ هُنْ اَوْلْ اَفْلَتْخَمْ

Сўнгра ҳамма мевалардан егин. Бас, Роббингнинг осон қилиб қўйган йўлларида юргин». Қоринларидан турли рангдаги ичимлик чиқар. Унда одамлар учун шифо бордир. Албатта, бунда тафаккур қилувчилар учун оят (белги) бордир. (Наҳл сураси, 69-оят).

Ушбу оятда Аллоҳнинг асаларига ваҳийси ҳамда берган илҳомининг давоми келмоқда. Аллоҳ асаларига фақат уя қуришнигина эмас, балки бошқа нарсаларни ҳам илҳом қилгандир:

«Сўнгра ҳамма мевалардан егин».

Уяни қуриб қўйиб, мевалардан емоқ ҳам асаларига Аллоҳ томонидан илҳом қилинган. Шунинг учун у бошқа ҳайвонларга ўхшаб, бир жойда турмайди, тўғридан-тўғри мева гуллари томон учиб кетади ва уни емоққа киришади.

«Бас, Роббингнинг осон қилиб қўйган йўлларида юргин».

Аллоҳ асаларига ўша меваларни, уларнинг гулларини топиш йўлларини осон қилиб қўйган. Одамзот топа олмайдиган жойда бўлса-да, асалари бир зумда уларни топиб боради. Ҳамда ўша мева ва гулларни ейди.

«Қоринларидан турли рангдаги ичимлик чиқар».

Асаларининг қорнидан чиқадиган асалларнинг ранги турли бўлиши бежиз эмас.

«Унда одамлар учун шифо бордир».

Ўша асаларининг қорнидан чиққан турли рангли шаробда одамлар учун шифо бордир. Ушбу қуръоний ҳақиқат тиб илми ривожланган сари, янада аниқроқ ойдинлашиб бормоқда.

«Албатта, бунда тафаккур қилувчилар учун оят (белги) бордир».

Асалариларнинг ҳаёт тарзи, уларнинг уй қуришлари, бориб мева ва гулларни еб келиб, асал қилишлари ва ўша асал одамлар учун шифо

бўлиши каби ҳодисаларда катта мўъжизалар бор.

Буни асаларичилардан ёки асаларилар ҳақида ёзилган китоблардан батафсил ўрганган одам Аллоҳнинг биру борлигига, ибодатга сазовор ягона илоҳу маъбуд эканига қўплаб оят-белгилар топади. Лекин бу белгиларни топиш учун тафаккур бўлиши шарт. Тафаккурсиз одамлар аввалгидек, мушрик ҳолида юраверадилар.

Ҳамаср уламоларимиздан баъзилари «Асалари ва унга ўхшаш баъзи ҳайвонларга Аллоҳ таоло томонидан «ваҳий қилиниши» – уларнинг дақиқ ишларга йўллаб турилиши Аллоҳ томонидан пайғамбарларга ваҳий юборилиши осон иш эканига яққол далилдир», – дейдилар. Аллоҳнинг кичик бир ҳашаротга «ваҳий қилиниши» собит бўлгандан кейин, Ўшал Буюк Зотнинг Ўзининг ер юзидаги халифаси, Ўзи яратган махлуқотларнинг гултожи, одамлар ичидан танлаб олган энг яхшисига ваҳий юбориши жуда ҳам осондир. *(Тафсири Ҳилолдан).*

Асаларининг уяси (яшик) ичидаги ҳаво билан даволаниш ҳақида эшитганмисиз?

Буни қаранги, асалари уясининг ичидаги ҳаво биз нафас оладиган ҳаводан кўра, тозароқ ва мусаффо роқ экан. Асалари уясининг дезинфекция даражаси жарроҳлик амалиёти хонасидаги дезинфекция даражасига тенг экан. Агар жарроҳлик амалиётидаги хонасидаги дезинфекция турли кимёвий моддалар воситасида амалга оширилса, асалари уясининг ичидаги дезинфекция Аллоҳнинг фазли билан табиий равишда ҳосил бўлар экан.

Асалари уяси (яшик) ичидаги ҳаво билан даволаниш — нафас олиш аъзоларининг, жумладан, бронхларнинг кенгайишига, ўпканинг фаолияти яхшиланишига, аллергия, астма касалликлари ва ревматизмдан халос бўлишга сабаб бўлар экан.

Нозимжон Ҳошимжон ва Хуршид Маъруф тайёрлади